

## **Умумий ва хусусий кутубхоналар**



16:00 / 12.10.2021 1123

*Исломнинг шонли тарихида жуда кўплаб умумий кутубхоналар бўлган. Ана шулардан энг машҳурларини саралаб, ўқувчиларимиз эътиборига ҳавола этишга қарор қилдик.*

### **Қоҳирадаги Фотимий халифалар кутубхонаси**

Нафис саҳифа ва китобларни ўз ичига олган ажиб кутубхона эди. Мақризий бир миллион олти юз минг китоб бор, деган фикрга мойил бўлса-да, кўпчилик муаррихларнинг ривоят этишича, бу ерда жамланган китобларнинг сони икки миллионтага етарди.

### **Қоҳирадаги «Дорул-ҳикма» кутубхонаси**

Ал-Хоким Биамриллоҳ томонидан 395 ҳижрий йилнинг 10 жумодил-охирасида очилган. Унга чиройли жиҳозлар қўйилиб, яхшилаб зийнатланган. Хизматчилар, муновиллар ва фаррошлар унинг ичидагашсан. Бунда олдинги подшоҳлардан биронтаси жамламаган китоблар йиғилган. Ундаги китоб жавонлари қирқта бўлиб, уларнинг ҳар бирига қадим илмларга тегишли 18 000 китоб қўйилганди. Кутубхонага кириш учун ҳаммага рухсат берилган бўлиб, баъзилар китоб ўқишга кирса, баъзилар нусха кўчириш учун, баъзилар эса таълим олиш учун ташриф буюришарди. Унда китобхонларга керакли бўлган ҳамма нарса: сиёҳ, қалам, қофоз ва сиёҳдонлар мавжуд эди.

## **Бағдоддаги «Байтул-ҳикма» кутубхонаси**

Бу кутубхонани Ҳорун ар-Рашид барпо қилган. Маъмун даврида шоншұхрат чүккисига чиққан. У үзіда китоб жамлаган жомеага ўхшарди. Одамлар унда музокара ва мутолаа қилишар, китоблардан нусха күчиришарди. Кутубхонада махсус нуссох ва мутаржимлар бўлиб, улар Ҳорун ар-Рашид ва Маъмун Анқара, Умурийя ва Қибрисни фатҳ қилғанларида қўлга киритган китобларни таржима қилиб ёзишарди. Ибн ан-Надиймнинг айтишича, Маъмун билан Рум подшоҳи ўртасида ўзаро алоқа бор эди. Маъмун уни айрим урушларда мағлуб этган бўлиб, ўрталарида тузилган сулҳга кўра, Рум подшоҳи ўз хазинасидаги китобларни таржима қилишга Маъмун жўнатган олимлар учун рухсат бериши керак эди. Рум подшоҳи ҳам ушбу шартни бажонидил бажаарди. Ғолиб ҳоким ғалаба учун ўз миллатининг фарзандлариға мамлакатига келтириладиган илмий китоблардан кўра қийматлироқ нарсани кўрмади. Тарих сўзлаган бундан ҳам буюк ҳодиса борми?

## **Андалусдаги «Ал-Ҳикам» кутубхонаси**

У жуда ҳам улкан ва кенг эди. Айтишларича, унда тўрт юз минг жилд китоб бўлган. Уларнинг мундарижалари ҳам диққат ва тартиб билан тузилган. Ҳатто ушбу кутубхонада мавжуд шеърий девонларнинг мундарижаси қирқ тўрт жузга етган. Нусха кўчириш санъатининг ҳаззоқлари, китобни жилдлаш касбининг усталари шу ерда эди. Андалус олдин ҳам, кейин ҳам бунчалик китоб хазинасини кўрмаган эди.

## **Тароблусдаги Бани Аммор кутубхонаси**

У буюклик ва катталик мисолларидан бири эди. Унда бир юз саксон нуссох китоблардан нусха кўчирап эди. Нусха кўчириш иши кеча-кундуз тинмасди. Бани Аммор барча нодир ва янги китобларни ушбу кутубхонада бўлишига ҳаракат қилишарди. Мутахассис ва тожирлар мамлакатларни кезиб, фойдали китобларни чекка ўлкалар ва ажнабий давлатлардан келтиришга вазифалантирилганди. Бу кутубхонадан истифода этганини ал-Мааррий баъзи китобларида зикр қилган. Унда мавжуд китоблар миқдорида ихтилоф қилинган. Мўътадил сўзларга кўра, кутубхона ўзида бир миллион китобни жамлаган.

## **Хусусий кутубхоналар**

Хусусий кутубхоналар тўғрисида ҳам тарих зўр ажойиботларни сўзлайди. Ислом оламининг ғарбидаю шарқида кутубхонаси мингларча китобни ўз

иичига олмаган олим камдан-кам топиларди. Бу кутубхоналарнинг айримларини зикр қилиб ўтамиз:

**Ал-Фатҳ ибн Ҳоқон (248 ҳижрий йилда ўлдирилган) кутубхонаси.** Унинг кутубхонаси жуда катта бўлиб, китобларни замонасининг фозил кишиларидан Алий ибн Яхё ал-Мунжим йиғиб берганди. Ҳатто, бу кутубхонага берилган ҳикмат китобларини машҳур «Дорул-ҳикма» кутубхонаси ҳам кўрмаганди.

**Ибн ал-Хашшоб (567 ҳижрий йилда вафот этган) кутубхонаси.** Наҳвда одамларнинг энг билимдони эди. Тафсир, ҳадис, мантиқ ва фалсафадан яхши хабардор бўлган. Очкўзлик даражасида китобга ошиқ бўлган. Бу ошиқлиги уни китоб йиғишида маъқулланмаган йўлларни тутишга мажбурлаган. Масалан, китоб сотиб олиш учун китоб бозорида ҳозир бўлса, китобни арzon баҳода олиш учун сотувчиларни ғафлатда қолдириб, ундан бир варақ йиртиб олар ва: «Китобинг йиртилган экан», дерди. Ёки бирордан китоб сўраб олса, вақти келиб китоб соҳиби китобини талаб қиласа: «Мен билан китоблар орасида дахлдорлик бор, бунга қарши туролмайман», дерди.

**Жамолиддин ал-Қифтий (646 йили вафот этган) кутубхонаси.** Тавсифига тил ожиз китобларни йиққан. У дунёда китобдан бошқасини севмасди. Ўзини китобга вақф қилиб қўйганди. Аҳли авлод машғул қилиб қўймасин, деб уйланишни рад этганди. Кутубхонасини Носирга васият қилган бўлиб, унинг баҳоси эллик минг динорга teng эди.

**Ҳалабдаги уламолар - Бани Жарода кутубхонаси.** Улардан бири Абул Ҳасан ибн Абу Жарода (548 йили вафот этган) нафис китоблардан уч жавонини ўз қўли билан ёзган. Яна бир жавонини ўғли Абул Баракот, бир жавонини бошқа ўғли Абдуллоҳ ёзган.

**Ал-Муваффик ибн ал-Матрон ад-Димашқий (587 йилда вафот этган) кутубхонаси.** У китоб йиғишида олийҳиммат инсон эди. Ҳатто, у вафот этган пайтда китоб жавонларидаги тиббий ва бошқа китоблар сони ўн мингтага етарди. Унинг хизматида учта нуссоҳ то вафот этгунча китоб ёзишган. Уларнинг маошлари ва таомларини ўзи бериб турган.

**«Ҳилол» журналининг 9(30) сонидан олинди**